



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnium Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Baptismi materia.

urn:nbn:de:hbz:466:1-41152

poralis. Quod si autem contingat, illam contritionem in aliquo esse imperfectam, tunc non tollet omnem poenam temporalem, & erit imperfectus baptismus flaminis.

Quæres: Sitne Baptismus tum flaminis, tum sanguinis Sacramentum. Resp. Nullo modo posse vocari sacramentum. 1. Quia ad essentiam sacramenti pertinet certa verborum forma, & materia, ut dixi; at in neutro baptismorum istorum est certa forma, aut materia, maximè in baptismo flaminis; quia sola contritione interna, quæ sensibilis non est, potest quis salvare. 2. Quia Concil. Flor. & Trident. septem tantum numerat sacramenta. 3. Quia sacramenta sunt media, & remedia ordinata ad Dei gratiam consequendam, quale certè non est martyrium. 4. Quia martyrium est actus magnæ charitatis & fortitudinis; contritio vero vel desiderium baptismi est propriè actus virtutis poenitentiae. 5. Quia sacramentum cum sit signum, debet aliquam habere similitudinem cum suo effectu. Unde sequitur, neutro baptismo, vel sanguinis, vel flaminis imprimi characterem, quia character est proprius effectus sacramentorum. 2. Sequitur solù baptismum fluminis esse propriè dictum baptismum, quia solù propriè est sacramentum.

Materia Baptismi.

9. Materia remota Baptismi est aqua naturalis: dico, naturalis, ad excludendā cerevisiam, sudorem, lac, urinam, lachrymas, sputum, seu salivam, aquam rosaceam, aquam distillatam, aquam à vite profuentem, aut alium liquorem artificialē specie differentem ab aqua naturali. tom. I. de Baptismo, disp. 2. quest. 2. punct. 3. n. 1. & 2.

10. Valide ergo baptizat, qui utitur aqua maris, putri, fontis, pluviae, balnei, etiamsi ex sulphure, aut cinere defluat; sive aqua calida sit, siue frigida, sive tincta colore, sive densa, &c sive profluxerit à nive, aut à gelu, aut à sale, (sal enim si ex aqua naturali salsa) secundum dicendum de glacie non liquefacta, quæ sic ablueri non potest. Nec debet aqua naturalis ita alterata & mixta esse cum alio corpore, aut liquore, ut amplius non sit apta ad ablendum, qualia sunt brodium, aut lixivium bene decoctum, aul lutum, aut similia, quæ nequeant amplius aqua denominari. ibid. num. 3. & seq.

Neque potest minister Baptismi, seclusa justa necessitate adhibere

adhibere quamlibet aquam naturalem, veram, & puram, sed aquam sacrorum fontium. Et materia Baptismi non sunt duæ vel tres guttae aquæ. *ibid. n. 8. & 9.*

11. Baptizatus cum materia dubia, rebaptizandus est sub conditione cum materia solita, & consueta, si supervivat: neque in Baptismo præter aquam adhibendus est ignis, contra aliquos hæreticos *ibid. n. 10. & 11.*

12. Materia proxima Baptismi est ablutio, seu contactus successivus, quo aqua successivè contingit corpus, qui auferendis animæ sordibus deserviat. Hæc ablutio fieri potest, sive immersendo corpus in aquam, sive infundendo, & applicando aquam corpori: ad quam ablutionem faciendam, sufficit illa quantitas aquæ, quæ sufficit ad abluendam corporis partem, qua abluta possit homo dici ablutus: servanda est tamen ministro ex officio Baptismi consuetudo Ecclesiae suæ Cathedralis. *ibid. n. 13. & seq.*

13. Quæres, an validus sit Baptismus, si aqua vestes tantummodo attingat, aut aliquid aliud extra carnes? Resp. negativè: & consequenter invalidus est Baptismus, si aqua solos capillos attingat, *ibid. n. 21. & 22.*

14. Non potest baptizari infans in utero matris existens, qui necdum prodit in lucem; si tamen prodiit aliqua ex parte, Baptismus in necessitate est administrandus in qualibet parte corporis, etiam in solo digito, si nequeat in capite baptizari. Non censetur baptizatus infans, qui ad sacrum fontem defertur, si ante ablutionem moriatur: secus dicendum de eo infante, qui à proferente formam, in flumen proiceretur, aut in puteum, quamvis hoc non sit faciendum; si fiat nihilominus, tenet Baptismus; sicuti si fune mittatur in flumen, & vivus extrahatur: potest enim denominari ablutus. Valet item Baptismus, quando infans aquæ è tecto desuenti submittitur: denique finita qualibet ablutione perficitur sacramentum: valetque Baptismus, si puer aut Sacerdos moriatur post primam mersionem. *ibid. num. 25. & seq.*

A D D I T I O.

Quæres: Quæ pars corporis ordinariè sit abluenda in baptismo. Resp. Necessitate præcepti Ecclesiæ esse abluendum caput, patet ex usu Ecclesiæ, ita docet Chrysost. Augustin. in cap. 3. Ioan. & D. Thom. in 3. p. q. 66 probat quia in capite sunt omnes hominis sensus; ac proinde eo abluto, to-

tus homo rectè dicitur baptizatus Confirm Quia baptismus ordinatur ad expiandum peccatum originale quod maximè infecit partem hominis sensitivam; unde si quis aliam corporis partem ablueret, peccaret mortaliter. Resp. 2 cum Bonacina; uti paulo superius, necessitatibus tempore sufficere ablutionem principalis partis alicujus corporis, ut brachii, pectoris, dorsi; si enim minima tantum pars ablueretur, rediceretur dubius baptismus; secus, si unaquæque manus.

Forma Sacramenti Baptismi.

15. Forma sacramenti Baptismi sunt hæc verba: *Ego te baptizo in nomine Patris. & Filii & Spiritus sancti.* In forma exprimenda est persona, quæ baptizatur, sed non est necessarium directè exprimere personam baptizantis. Similiter exprimenda est actio, quæ circa baptizatum exercetur; sive exprimatur per verbum *baptizo*, sive per verbum *abluo*, sive per verbum *mergo*. Præterea exprimenda est unitas divinæ essentiæ & tres personæ sanctissimæ Trinitatis: quare invalidus erit Baptismus in nomine Christi collatus, aut in nomine Dei, vel S Crucis. Mutatio substancialis adhibita in verbis formæ, invalidum Baptismum efficit. Hinc sit, ut utens forma Græcorum, validè baptizet. Idem dic de eo qui baptizaret omisisti particula *Ego*; secus dicendum si baptizaret in nomine Genitoris Geniti, & Spirati; validus tamen esset Baptismus, si loco filii, dicatur, *Verbi*. His adde invalidum esse Baptismum si dicatur, intendote baptizare, aut si puer moriatur nondum finita forma Baptismi; aut si conferatur Baptismus in nomine & virtute beatissimæ Virginis, aut Sanctorum. Invalidus est similiter Baptismus, quem quis sibi confert, dicendo, *Ego me baptizo*: possent tamen duo se invicem baptizare tempore necessitatis, dicendo: *Ego te baptizo*. quod si duo unum eodem tempore baptizarent, & unus ablueret, alter verò formam proferrèt, non teneret Baptismus. Unde infer non esse validum Baptismum, quando unus incipit formam Baptismi, & alter eam perficit. Adverte prætereà validum esse Baptismum administratū lingua vulgari, etiā quando omitterentur tres illæ particulæ, *Amen*, *Ego, In.* quia sensus formæ non destruitur, neq; error circa personam baptizantem reddit Baptismum invalidū. Hinc sequitur valere Baptismum collatum filio Caij, quæ Sacerdos opinabatur filium

Titij;